

武
夷
山
志

武夷山志卷之四

武夷董天工典齋編集男勅校刊

星野

武夷山分野在牛宿

舊志崇安分野在牛女之間按鄭宗彞星經每星一度輅地一千四百六里魏太史陳卓云會稽入牛度崇距會稽在一千四百六里之內應諫牽牛一宿武夷山居崇南亦應分野牛宿

形勢

武夷山在崇安縣南三十里發脈自西南白塔山由筆架

山一帶迤邐百里踰超峯棠嶺

俗名融結是山陸行由赤石街西入

石門經水簾洞馬頭巖諸處可達天遊舟周圍凡百二十

行自崇溪順流而下至問津亭折入一曲

武夷山志卷之四 星野形勢

里東抵崇溪

俗名大溪

此瀉黃龍溪

亦名黃栢溪

西至將村里南至

藍原四面皆巖壑不與外山連屬外山則環遶拱向若儀

衛然登大王三仰諸峯見其概焉峯之大者三十有六曰

大王峯幔亭峯獅子峯鐵板嶂兜鑿峯玉女峯凌霄峯虎

嘯巖馬枕峯靈巖小藏峯大藏峯昇日峯上升峯玉華峯

更衣臺天柱峯隱屏峯晚對峯接笋峯仙掌峯天遊峯蒼

屏峯城高巖三仰峯鼓樓巖鼓子峯三教峯靈峯馬鞍巖

馬頭巖天心峯玉柱峯杜葛巖火燭峯丹霞嶂此外以各

著者復數十餘劉道元志云其山多豐上飲下巖岫聯屬

形狀不一有縝潤如玉削者有森銳如笋立者有端嚴拱

揖如神人異僧者有秀麗娟好如艷姝靜女者又有如樓臺之突兀如城壘之週遭如鐘鼓之陳設如廩庾之峻峙其驤者如龍踞者如虎蹲者如猊馳者如馬神剗鬼刻怪偉瑰奇飛瀑落崖一瀉萬仞遊歷所至駭目驚心應接不暇而曉霧未收亂峯如出沒於波濤號爲雲海憑高一望尤屬奇觀眞一方之勝概也

九曲溪發源於三保山出大源山馬月巖奔注數十里經曹墩合周杉二溪過星村入武夷折爲九曲盤繞山中者約二十里至山前渡合於大溪晴川一帶爲一曲浴香潭以北爲二曲雷磕灘上下爲三曲卧龍潭至古錐灘爲四

曲平林渡爲五曲老鴉灘爲六曲獺控灘以下爲七曲芙蓉灘東西爲八曲過淺灘爲九曲其次第蓋逆流數之也溪之全勢自西南趨東北而曲中則縱橫無定向曲迴溪折折復遶山每曲胥成異境或深爲湍淵或淺爲灘瀨汪洋湍激各自呈奇巔峯窮石皆逼溪而立巖石凝紫溪水湛綠江文通所稱碧水丹山是也

蕭子開建安記云武夷山高五百仞

陸鴻漸武夷山記昔有神人降此自稱武夷君又列仙傳錢登隱於此山二子曰武曰夷二說不同皆以爲武夷所由名云

杜光庭洞天記謂武夷第十六昇真立化洞天

祀典

漢郊祀志祀武夷君用乾魚令祠官領之

宋嘉熙元年投送金龍玉簡制章維大宋嘉熙元年歲次
丁酉某月朔日嗣天子臣伏爲保延國祚恭祈嗣續敬資
香信新建沖科命道士二十一人於建寧府武夷山昇真
立化洞天沖佑觀啟建靈寶道場一晝二夜滿散設醮三
百六十分位告盟天地誕集嘉祥謹依舊式詣武夷山昇
真立化洞天投送金龍玉簡欲望至聖至真鑒茲丹悃乞
爲騰奏九天臣伏以元儲虛位未聞熊夢之祥邊閫分屯

尙謂虎符之戍內欲隆於國本外思靖於兵氛仰惟祖宗
積累之艱深切朝夕繼承之懼是用肆類上帝編禱名山
願垂覆幬之仁宏賜扶持之力得男而應震索茂延百世
之期偃武而致泰平坐底四方之治保基圖於鞏固措民
物於救寧祇迓靈休永依大造臣無任懇禱之至

宋嘉熙時加封祀文維太宋嘉熙二年太歲戊戌五月甲

寅朔日嗣天子

御名

謹遣觀察使洪範齋香敬詣武夷山

昇皇立化洞天上啟顯道眞君十三仙衆伏以至眞妙道
立化無方大德高仙神應莫測式褒顯蹟用尙徽稱冀鑒
茲誠永綏福地

御名

無任誠惶誠恐悃禱之至

明制每歲八月十五日崇安縣官先日具牲醴詣武夷山
冲佑觀齋宿致祭祝曰惟神屹鎮南紀贊化效靈由漢迄
今祀典有常尙饗

勅封

唐天寶七載封天下名山大川遣登仕郎顏行之至武夷
山一曲溪北舊有石刻記其事後同亭湖陷石隕水中○全山禁樵採

宋紹聖二年禱雨武夷君獲應勅封顯道真人

宋元符元年勅門下建安之境武夷之巔有真人焉體道
之無以入於有出而應世屢降吉祥朕想見儀容不忘寤
寐天道因人而後顯聖名以實而始彰褒寵高風申加美

稱建州武夷冲佑觀顯道真人武夷君宜加封爲顯道真
君故茲詔示想宜知悉

宋紹興十八年勅封魏王子騫爲冲妙真人孫綽靈應真
人張湛顯應真人劉景嘉應真人趙元竒妙應真人彭令
昭冲應真人顧思遠靜應真人白石生善應真人馬鳴生
惠應真人胡氏仙普應夫人魚道超助應夫人魚道遠順
應夫人李氏仙慈應夫人

宋端平元年加封武夷君爲顯道普利真人

宋端平元年勅建寧府武夷山冲佑觀護法正神潘遇昔
以旱魃爲虐致禱山川曾不崇朝甘雨隨降山靈山伯亦

既尊顯有司奏聞謂爾陰相有功於國理宜褒贈以答神庥可特封通靈協濟侯

宋嘉熙二年加封武夷君爲顯道普利冲元真君

宋嘉熙二年勅建寧府武夷山冲佑觀冲妙真人魏王子騫等有功於國利濟斯民近者旱魃爲災靡神不宗武夷之山神人所萃望是洞府以祈甘霖曾不崇朝觸石而雨爰錫徽名用宏道力宜加封魏王子騫冲妙孚惠真君其餘孫綽等加封真君胡氏仙加封元君

宋嘉熙二年加封潘遇爲通靈協濟妙感侯

頒賜

南唐保大二年二月勅建州武夷山昇真玄化洞天武夷觀可改賜會仙爲額仍令所司日下准備木植別擇高爽清淨去處畝新創造照依降去格式務要簡樸其山方圓一百二十里與本山護蔭並禁樵採張捕違者所司按法施行

明萬曆三十年五月皇帝勅諭武夷山冲玄觀在持及道衆人等朕惟道藏一書乃黃帝老子以來諸高士名流玄言法旨大較以清淨慈簡爲宗朕自冲昧承嗣洪基迄今三十禩天下和平臣民樂業實皆天眷祖德所致足徵靈通妙應之機昔漢文帝常用其言庶幾富庶之風所謂道

之精以治身其緒餘以爲天下非其驗歟朕後源流漸廣
文字遂繁金簡丹書紛然並出符籙科教沓爾嗣興其說
在拔濟幽途祈求福利雖曰多端要以作善降祥不善降
殃感應之理焉可誣也我祖宗設立道錄一司專領是教
聖母慈聖宜文明肅皇太后常命摹印全經頒布天下朕
旣序之簡端跋之篇末矣茲者國靈遐邇蕩除海氛朕祇
承天地祖宗之佑思與四方休息歸於無爲念爾蠢蠢衆
生智識各別明罹罪罟幽負遣責一夫不獲是予之辜所
以首過雪愆祈恩請福朕實惓惓也爰命所司印造全藏
四百八十函施捨在京及天下名山諸道觀用廣其傳凡

爾羽流其焚香諷誦信受奉行爲國祝釐爲民解罪潔嚴
頂禮永遠尊藏不許褻玩損失特賜護勅通知欽哉故諭
有碑在
冲佑觀

國朝康熙二十六年

御書學達性天扁額頒賜宋儒朱熹懸武夷五曲紫陽書院

齊民要術全圖



武夷山圖序

宋 朱 熹

武夷君之名著自漢世祀以乾魚不知果何神也今崇安有山名武夷相傳卽神所宅峯巒巖壑秀拔奇偉清溪九曲流出其間兩崖絕壁人迹所不到處徃徃有枯查挿石罅間以度舟船棺柩之屬柩中遺骸外列陶器尙皆未壞頗疑前世道阻未通川壅未決時夷落所居而漢祀者卽其君長蓋亦避世之士爲衆所臣服而傳以爲仙也今山之群峯最高且正者猶以大王爲號半頂有小丘焉豈卽君之居耶然舊記相傳詭妄不足考信故有版圖迫近漶漫亦難辨識今冲佑羽人高君文舉始復更定此本於是

向背隱顯之間爲能有以盡發其秘且屬隱屏精舍仁智堂主爲題其首以祛舊傳之惑云

九曲權歌

宋朱熹

武夷山上有仙靈山下寒流曲曲清欲識箇中奇絕處權歌閑聽兩三聲

一曲溪邊上釣船幔亭峯影蘸晴川虹橋一斷無消息萬壑千巖鎖翠煙

二曲亭亭玉女峯插花臨水爲誰容道人不作陽臺夢興入前山翠幾重

三曲君看架壑船不知停權幾何年桑田海水今如許泡

五言古詩 卷之四
沫風燈敢自憐

四曲東西兩石巖巖花垂露碧氍毹金鷄叫罷無人見月
滿空山水滿潭

五曲山高雲氣深長時煙雨暗平林林間有客無人識款
乃聲中萬古心

六曲蒼屏遶碧灣茆茨終日掩柴關客來倚櫂巖花落猿
鳥不驚春意閒

七曲移舟上碧灘隱屏仙掌更回看却憐昨夜峯頭雨添
得飛泉幾道寒

八曲風煙勢欲開鼓樓巖下水縈洄莫言此地無佳景自

是遊人不上來

九曲將窮眼豁然
桑麻雨露見平川
漁郎更覓桃源路
除是人間別有天

權歌和韻

朱方岳

燒藥爐存草亦靈
煮茶竈冷水猶清
老仙一去無消息
只有飛泉落珮聲

桃花認得捕魚船
醉着歸來月滿川
山鬼已磨蒼玉碧
要留名字與風煙

家在清溪第幾峯
誰牽薜荔採芙蓉
魚歌未斷忽歸去
翠壁一重雲一重

羣仙曾此醉觥船
插向蒼崖不記年
蕙帳夜寒聞鶴語
人民城郭自堪憐

宿雨留雲被半巖
晴光飄散雪氍毹
沾衣不識骨毛冷
下有老龍無底潭

竹遶寒棲蘚徑深
莖莖手種玉成林
翠屏向晚無人對
猶識先生一寸心

又撐小艇過前灣
竹外菴居晝掩關
桃李無言開未了
春風元自不曾閒

雲氣藏山雪捲灘
地靈不與俗人看
一篙畧借秋厓便
九曲欲窮山雨寒

其說水窮山勢開
匆匆恐懼酒船回
溪山欲盡興無盡
撐入白雲深處來

乘興而來亦偶然
誰將陰壑作晴川
笋輿更問星村路
去看溪南一線天

又

明劉信

群仙遺蹟護山靈
鶴駕多年返太清
宴罷賓雲無覓處
幔亭依舊枕溪聲

一曲尋真載酒船
懼歌聲裏度晴川
瓊樓玉宇杳何處
石室丹爐空翠煙

二曲溪邊一秀峯
雲鬟彷彿謫仙容
多情已斷行雲夢
誰

道。蓬山隔幾重。

三曲仙巖有架船。櫛風沐雨幾經年。古今共看長如此。物是人非直可憐。

四曲金鷄是古巖。半空花雨落穆穆。煉丹人去爐猶在。夜半神光射碧潭。

五曲溪山得趣深。數椽書屋寄雲林。先生道在羲皇上。誰識悠然太古心。

六曲溪隨山勢灣。桃源有路叩玄關。回頭便與塵寰隔。流水白雲心自閒。

七曲清溪轉石灘。峯巒倒影鏡中看。漁歌忽起滄浪外。款

乃一聲煙水寒

八曲晴巒迤邐開樓臺掩映翠盤迴何當借我東山屐酒
侶詩朋日日來

九曲歌殘興浩然中流蕩槳下長川昇真不必騎黃鶴三
十六峯皆洞天

又

明
張時徹

碧水丹山秀且靈九霄風露玉華清遊人欲問桃源路試
聽漁郎款乃聲

幔亭峯下木蘭船霞影晴光蕩碧川鶴馭虹橋何處覓洞
簫吹散紫芝煙

錦作屏風玉作峯天然秀出碧芙蓉
神霄咫尺無人到倚斷丹梯第幾重

絕壁誰留夜壑船含煙吐霧百千年
金函玉檢遺真藏瑤草琪花絕可憐

釣魚臺對鶴鳴巖煙雨朝朝紫翠移
洞裏金鷄清夜一聲啼動百花潭

大隱屏前松桂深白雲時復暗青林
石門茶竈依然在流水桃花自有心

仙掌參差俯碧灣石門交結是重關
天遊峯頂神仙住荔服荷裳盡日閒

石鼓盤廊曲曲灘天壺日月幾迴看何人夜半吹長笛萬
壑風生牛斗寒

森森毛竹洞門開白鶴青鸞去復回雲裏三峯長對笑何
年重過虎溪來

行盡溪源更杳然秦人鷄犬散前川齊雲亭外星村路不
識蓬壺幾洞天

又

明
黃仲昭

我來九曲訪仙靈積雨初收天氣清舊日虹橋無覓處依
然山色與溪聲

一曲呼來隔岸船櫂歌齊唱過前川山靈似識遊人意歛

盡峯巒遠近煙

二曲溪頭聳碧峯分明玉女鏡中容到來已訝非人境峯外奇峯更幾重

三曲丁寧緩刺船茲遊預擬幾經年壑舟不必窮直上巖上煙雲自足憐

四曲迴看天際巖巖頭空翠落穆穆箇中何物尤清絕雲影天光共一潭

五曲峯巒轉覺深千年精舍在雲林古今遊客知多少誰識先生一片心

六曲幽林擁碧灣擬分隙地闢柴關細窮往哲傳心要豁

月巖雲相伴閑

七曲停桡亂石灘層崖疊巘恣吟看更憐雲際千尋瀑爽
氣逼人毛骨寒

八曲幽然眼界開谿山如此可能迴茲行須盡平生興未
卜何時得再來

九曲桑麻翠渺然數家鷄犬隔晴川奇蹤到此都看盡還
比人間別一天

又

明鄭善夫

幔亭彩幄會仙靈紫霧濛濛薄太清奏罷人間可哀曲鳳
笙龍管杳無聲

沙棠爲楫桂爲船紫嶂丹崖錦映川我是開元李居士鐵
龍吹散萬峯煙

不道巫陽十二峯玉環珠珮浮雲容美人婉婉秋波立迥
隔天闕百二重

藏裏黃棺壑上船春風秋雨自年年覺來天地終歸盡煉
得丹成亦可憐

蛻骨藏真傳此巖土花石黛已氍毹那能懸綆探金樁下
擣龍宮萬仞潭

大隱屏前烟水深九霄雲覆紫芝林彤墀不作含香夢丹
洞忻傳出世心

水過蒼屏灣對灣山形密似百牢關巨鰲不戴東溟去要
與乾坤作大閑

博羅東下三百灘噴雪奔雷仰面看虬龍不出螭蛇出天
風下來吹歲寒

石鼓雲樓天漢開飛泉幾道白龍洞探玄笑入桃源路黃
葉千巖風雨來

九溪歷盡興翛然亂瀑喧騰赴錦川尋源已到明河曲飛
鳥還過一字天

又

馬豹蔚

一曲揚舲傍釣船山光雲影浸寒川幔亭峯引漁郎權洞

口桃源擁紫煙

二曲遙臨玉女峯
霧鬟風髻曉粧容
襄王誤入陽臺夢
錯指巫山第幾重

三曲高懸不櫓船
驚波逐浪百千年
幾人覓渡曾來此
岸遠津迷意可憐

四曲寒林護翠巖
松杉落處碧毵毵
卧龍深蟄雲俱靜
徹底淵澄水一潭

五曲雲窩窈以深
紫陽築室趁幽林
薪傳緒接尼山席
仰止於今豈異心

六曲山紆水亦灣
白雲深處掩柴關
當年控鶴人何在
花

自悠然鳥自閒

七曲巉巖瞰碧灘
藤蘿零亂許誰看
月明夜半清如滌
肌骨仙仙入廣寒

八曲雲扃鎮日開
青鸞白鶴數盤迴
止因庄裏花如繡
豔引東山屐日來

九曲探奇儘快然
乾坤吸納盡山川
三千大地知無別
何必瀛洲有洞天

又

江以達

瑤臺瑤館閔仙靈
漠漠仙居俯太清
一曲紫芝人不見
雲間吹落洞簫聲

羽衣金節木蘭船
羽客脩然影在川
石室獨留丹竈冷
洞門深鎖薜蘿煙

粧鏡臺前玉女峯
淡雲香霧靄春容
夢魂不遣襄王到
可

是巫山第幾重
一水盈盈更進船
仙機嘒嘒弄何年
尋源或是乘槎客
牛女相看意堪憐

蛻骨相傳大藏巖
東風吹艸綠毵毵
金鷄唱徹洞中曉
一片白雲搖碧潭

綠蘚蒼苔一逕深
洞煙崖日霽霜林
游人只解求精舍
誰識當年卜築心

蒼屏西轉碧沙灣
浪說天遊始叩關
一望諸峯三十六
無心花發鳥聲閒

潏潏靈龜上碧灘
天壺巖下正宜看
壺中日月人何許
鐵笛一聲雲色寒

鼓樓峯環鼓子開
靈鼉聲掣萬峯迴
移舟佇聽雲賓曲
何事仙翁去不來

路盡桃源益惘然
仙家鷄犬隔晴川
靈巖一線誰曾到
不道人間有洞天

和權歌原韻并序

國朝張坦

方輿之內稱洞天者三十有六而閩之武夷其一也

自朱子築精舍於隱屏大業名山遠萃道南之緒
而千百世下莫不深山高水長之思余舊閱武夷圖
誌卽神遊其間以不得一至爲憾茲幸承乏閩疆分
巡南劍於小春望前行部道出崇安遂迂途至武夷
宮偕友謝子其燦登小筏沂清流過五曲謁紫陽書
院緣仙掌而上登天遊絕頂俯視諸峯森列秀拔竒
偉萬象蒼茫迴非人境向之目遇於誌圖者固未能
彷彿其什一矣余廿載風塵久疎吟咏但旣勤蠟屐
恐負名山因依考亭原韻敬和權歌十首敢云步
武前徽亦以稍申仰止云爾

萬年宮闕護真靈縱有塵機到此清我趁松風天籟好與
君重譜權歌聲

一曲輕移上水船幔亭倒影印澄川群仙宴後紅雲冷散
作霜林萬壑煙

二曲縹然別有峯迴身恰現女兒容春來可倩梨花雨添
入青螺黛兩重

三曲誰乘架壑船天機罷織問何年偶來飛鳥臺邊立翠
巘丹崖淨可憐

四曲金鷄洞頂巖藤蘿百尺挂氍毹月明奪盡領珠彩驚
起幽蚪夜出潭

五曲看山山更深玉華雲起覆平林隱屏精舍成千古晚
對亭高識素心

六曲渟泓翠一灣平開仙掌插雲關妙高臺上凌空望只
有天遊日月閒

七曲潏洄轉碧灘天壺峯襯白雲看最憐綠樹紅泉影吹
落珠璣萬顆寒

八曲樓臺天半開青山列嶂鳥飛迴明年倘或還留此須
趁桃花放後來

九曲舟行忽曠然名山閱盡到平川齊雲亭下星村渡鷄
犬桑麻又一天

和文公武夷櫂歌

國朝來諫鳴

曾向仙源訪洞靈
巖丹溪碧漾天清
於今夢寐懷遊事
猶繞山光與水聲

一曲清溪初泛船
大王峯峻出前川
秦壇漢祀還留蹟
巖岫蒼蒼裊碧煙

二曲爭看玉女峯
天然骨格舊時容
仙家粧鏡常臨水
淡抹烟霞翠幾重

三曲巖留自古船
凌空懸架幾千年
神仙不是無心渡
看到人間倍可憐

四曲崎嶇古洞巖
白雲靄靄水毵毵
金鷄去後峯巒渺
明

月千年印碧潭

五曲煙霞別樣深
紫陽曾此關山林
試看晚對峯頭月
猶照先生萬古心

六曲峯奇傍水灣
白雲深處掩柴關
塵緣未斷臨仙掌
輪却山家一味閒

七曲溪深湧碧灘
沿流聊揭短篷看
天壺峯瀉千年瀑
萬丈泉飛白晝寒

八曲幽深異境開
千峯透迤水濤迴
遊踪曾與山靈約
偷得閒時我又來

九曲峯巒倍灑然
桑田別自有平川
桃源不是秦時客
爲

愛名山到洞天

又

國朝僧明欽

山自名兮水自靈
山光水色四時清
是非不到烟霞裏
朝夕惟聞款乃聲

一曲紆迴始上船
閒花野草滿晴川
不知往返人多少
誰識平林一帶烟

二曲雲中聳翠峯
古今不改本來容
山中景況常相似
人世滄桑知幾重

三曲沿流泛小船
依稀風景似當年
堪嗟朽骨藏巖穴
一抹披風空自憐

圓曲遙觀四面巖松筠蘿薜日穆穆金鷄一唱千峯曉喚
醒潛龍起碧潭

五曲清奇氣象深停篙且自步山林花香鳥語皆成韻到
此寧無堅隱心

六曲移舟過別灣漁歌樵唱出松關縱然識得桃源路肯
把名心作等閒

七曲隨流過遠灘回頭重把幔亭看仙人有意常舒掌不
染風塵耐歲寒

八曲雲林霽色開水光瀲灩影潏洄群仙去後無消息空
使遊人身往來

九曲溪山本自然
清流脉脉接平川
奇峯怪石皆堪畫
一處林巒一洞天

又

國朝
王復禮

名山不在產仙靈
浪說蓬萊與太清
樂奏賓雲惟片刻
何如常聽櫓歌聲

一曲溪頭共泛船
良遊從此徧長川
幔亭往事知何處
千載空餘一抹煙

二曲雙鬟擁一峯
幽閒貞靜見儀容
朝雲暮雨休相擬
不是巫山十二重

三曲何來巖畔船
船中朽骨不知年
王騫彭祖終歸盡
枉

自求仙亦可憐

四曲題詩有石巖松枝拂石自穆穆詩成題就欣臨水倒
影龍蛇在碧潭

五曲峯高水益深和歌時復振雲林獨憐經學多訛舛誰
爲先生繼宿心

六曲舟過一半灣浮名浮利不相關桃源有路思深隱讀
易看花儘自閒

七曲潺湲水下灘急流勇退幾回看不如此日歸山好遠
却炎威耐歲寒

八曲溪山漸次開葭蒼露白水沿洄當前佳景誰能賦自

笑茲遊空去來

九曲幽奇本自然靜如山壽動如川歌殘莫謂無人和獨
客閒吟樂性天

又

國朝董天工

武夷仙蹟護山靈鳳管鸞笙徹太清我欲賡歌無覓處漁
舟載酒聽溪聲

一曲停橈甫上船回看萬壑擁晴川大王亘立千峯揖鎖
盡前山暮紫煙

二曲輕盈碧玉峯鏡臺斜照現嬌容娉婷不似巫山媚秀
色貞姿翠幾重

三曲長懸不繫船
停橈遮莫是堯年
雲封煙繞晴光照
古色陸離真可憐

四曲楮天峭壁巖
巖泉滴滴雨毵毵
鶴鳴嘹唳金鷄舞
影落空山聲滿潭

五曲層巒毓秀深
紫陽書院樹雲林
茫茫千古誰紹統
全寄先生一寸心

六曲峯迴溪水灣
蕩舟似度玉門關
漁郎欲覓胡麻飯
掃淨塵緣心自閒

七曲溪高浪激灘
雪花滾滾溯流看
尤憐飛瀑天壺瀉
點入波心春水寒

八曲蓮峯摩漢開水光反照影潏潏桃源有路登仙境引
得遊人次第來

九曲幽窮更渺然白雲深處見平川秦人鷄犬今仙去千
古長留一洞天

權歌十首

朱白玉蟾

三十六峯眞絕奇一溪九曲碧連漪
白雲遮眼不知處誰道神仙在武夷

幔亭峯下泛仙船洞口瓊花鎖翠煙
一自魏王歸絳闕至今哀怨嶺頭猿

山下千今幾代孫當時簫鼓寂無聞
丹爐早又生春草玉女峯前空白雲

仙舟停權架巖頭黃鶴冲天幾度秋
滿洞桃花人不見一溪春水爲誰流

萬頃秋光漾碧空滿潭秋水瑩青銅
金鷄叫落山頭月漠

漠寒煙颯颯風

問道誰知鐺笛聲石崖崩裂老龍驚
當年人已乘雲去千古荒亭秋草生

仙掌峯前仙子家客來活火煮新茶
主人遙指青煙裏瀑布懸崖剪雪花

寂寂秋煙鎖碧灣往年此地有禪關
水神移入龍宮去一夜風雷吼萬山

幾點沙鷗泛碧流蘆花兩岸暮雲愁
鼓樓巖下一聲笛驚落梧桐飛起秋

山市晴嵐天打圍一村鷄犬正斜暉
稻田高下如碁局幾

點鴉飛與鷺飛

又

元蔡哲

跨鶴群仙昔載形至今猿鳥嘯青冥草堂亦有逖名客謾
唱漁歌子細聽

一曲溪頭春意濃紫煙深鎖幔亭峯仙源好似桃源路無
數飛花泛水紅

二曲高峯瀉激湍娉婷玉女髻螺寒祗應姑射能相似未
許巫山得並看

三曲仙機隱碧岑琅玕芝草正蕭森山頭夜半聞天樂只
有漁郎是賞音

四曲風煙日泮淒紫紆巖谷互高低丹光照樹明於月驚
起金鷄半夜啼

五曲溪山秀且奇就中佳趣有誰知紫陽可是能清賞夜
擁寒爐註楚辭

六曲雲屏不可攀綠雲千頃鳥聲閑層崖亦有仙人掌何
必騎驢入華山

七曲巖前大姥巖落花飛雨畫氍毹天風夜捲浮雲去羸
得明蟾浸碧潭

八曲平洲即要津太和宮裡碧桃春匆匆多少遊山者到
得源頭有幾人

九曲空明眼界寬
仙家鷄犬半林端
千崖萬壑春如許
誰解窮源騰權看

又

元余嘉賓

紅韁白馬武夷君
羽節來時鶴一群
宴罷虛皇環佩響
手扳霜樹寄彤雲

大王峯影似蓮花
石棧綠雲鍊鎖斜
擬向紫霄分一曲
便攜鷄犬住烟霞

露帶羅衣兩鬢煙
芙蓉冷浸九溪淵
依稀記得相逢處
曾在玉皇金案前

垂釣臺東架壑船
劫灰飛處起青煙
閑來袖拂經綸手
擬

借靈槎上九天

丹崖翠壁與雲齊
瑤草奇花路欲迷
三十六峯無馬跡
祇緣巖上叫金鷄

大隱屏南天柱峯
青天笋立玉芙蓉
憑將宇宙支撐住
賜與白雲清淨封

懸崖疊嶂隱書堂
澤媚山輝草木香
行到源頭清徹處
一溪風月印天光

石室巖扉結構牢
仙人掌上綵霞高
玉皇朝燕歸來晚
愁見三山起暮濤

蒼玉屏風水曲流
滿船絲竹載清秋
步隨明月瑤臺去
無

數紅雲夜不收

繡衣擬換九霞衣萬疊雲山玉一園仙侶同舟移櫂晚步
虛聲裡踏歌歸

又

明
邱雲霄

溪滎九曲鎖玄關山擁千峯密似盤漫憶紫陽歸去後一
川風月要人看

一曲清歌解木蘭水光搖動萬山寒幔亭舞罷秋臺燕野
月溪雲空漢壇

二曲嬌峯雲水間淡粧低壓碧雲鬟玉容不改春愁重粧
鏡臺空舞翠鸞

三曲虹橋最上頭三盃石外望仙舟
莫疑漢使河源路信有浮槎到斗牛

四曲丹崖紫洞竒玉函仙蛻記秦時
一從聽罷金鷄曉花落空潭春自遲

五曲花開錦繡屏青山無語靜儀型
樓前盡日東流水獨立蒼茫晚對亭

六曲中流石竈寒茶烟香濕紫苔斑
仙人飲罷留空甕拍掌巖頭去不還

七曲峯頭松桂深北廊巖下水雲沉
玄猿白鶴閒清怨久伴危冠合脫簪

八曲城高紫氣浮
夜深仙樂響山頭
到來鐘鼓皆成石
長倚斜暉望玉樓

九曲逶迤引市廛
人間天上別風烟
青蓑黃犢歸來晚
疑是桃源學種田

九曲襍咏

十首

朱白玉蟾

流水光中飛落葉
白雲影裏噪幽禽
人間幾度曾孫老
只有青山無古今

一曲昇真洞

得得來尋仙子家
昇真洞口正蜂衙
一溪春水漾寒碧
流出細桃幾片花

二曲玉女峯

插花臨水一奇峯
玉骨冰肌處女容
眉映霞衣春帶雨
雲鬟霧鬢曉梳風

三曲仙機巖

織就霓裳御冷風
玉梭隨手化成龍
天孫歸去星河畔
滿洞白雲機杼空

四曲金鷄巖

水滿寒潭方著月
山藏空谷正吞煙
金鷄初報洞中曉
喔一聲飛上天

五曲鐵笛亭

滿天沆瀣起清風白鶴飛來上翠松月冷山空吹鐵笛
一聲喚起玉淵龍

六曲仙掌峯

仙子捫蘿上翠崖崖頭舊有煉丹臺至今石上留仙掌十
指春葱積綠苔

七曲石堂寺

高僧叅透趙州禪拔寺後歸堦率天天聖二年二月朔一
宵雷雨撼山川

八曲鼓樓巖

萬丈高巖聳石樓雲羣烟柳瞰寒流幔亭昔聚曾孫宴石

鼓拏歸古渡頭

九曲星村市

落日移舟上碧灘
桃花林外見青山
耳邊忽爾聞鷄犬
不遇劉郎不肯還

武夷九曲歌

明顧夢圭

大王峯前紫霞疊
始向清溪尋一曲
蹊蹊蒼烟鐵嶂橫
時有桃花映幽谷
高人曾此鍊金丹
留得山間石室寒
探奇更入雲深處
翠兕青虬左右看

二曲移舟轉奇絕
玉女雙鬟宛相結
萬古翹翹倚碧空
不似巫山曉雲滅
誰見仙容臨鏡臺
丹樓鳳閣九天開
鏡中

信有飛鸞影燕雀猿猴不復來

三曲浮槎架巉壁依雲薄霧留奇跡當年鼓枻渡銀河泛
覽十洲超八極紫翠陰森靈氣含時聞雷雨響空巖羣仙
杳杳乘龍去蟬蛻分明在石龕

四曲嶙峋洞門杳金鷄彷彿棲叢篠遊人不得聞金雞但
見暮車出林表淮南遺事傳至今隙駒石火待人心玉華
倘授胡麻飯追逐青霄五色禽

五曲文公有孤館隱屏內仍凌霄漢釣磯茶竈占清流鐵
笛聲中彩雲散更向山前構草亭晚來常對一峯青楚辭
歌罷揚舲去人傑千年表地靈

六曲奇峯現仙掌峯頭樓閣開銀勝昨夜東風掃翠嵐掌
上露華猶澆淺曲水紫葍看最直芙蓉倒影碧粼粼穿雲
不惜羅衣濕萬竹千花別有春

七曲溪邊幾回首鳳鸞羽舞蛟龍走天外空成錦繡紋塵
中曾有丹青手百尺寒松樹杪飛客來秋暮欲添衣殘陽
且莫回孤櫂石廩瑤芝可禦饑

八曲峯巒漸疎豁溪聲轉急舟難達不因漁父入桃源誰
爲仙家開鑲闥悵望巖中鼓不鳴玉喬何處奏瑤笙醉來
且待東林月腳踏丹梯步玉京

九曲雖窮意不盡依依花柳仙村近欲解長纓濯碧灘黃

梁夢幻何須問來往風塵髻早瞞不如此地卧雲窩寄言
世上浮名客請聽山中九曲歌

追和白真人九曲雜咏十首

有引

國朝杜洪

余聞雲外子十歲應神童科即能賦織機詩及長
文思汪洋頃刻數千言今遊武夷知其嘗講法於
冲佑觀之采隱呈武夷題咏美不勝收尤愛其九
曲雜咏十首吟咏之下心曠神怡不禁步韻書於
冲佑觀壁

峯竒水曲樹陰陰蒼鹿立猿侶翠禽一自賓雲高會罷仙
踪隱見到而今

玲瓏石洞羽衣家森列斗巒排曉衙丹就十三仙去後幾

圓開綻碧桃花

一曲昇典洞

何年竟自下巫峯獨立天頭照靚容時把雲鬟梳曉月霞

裳翠帶薜蘿縫

二曲玉峯

機杼聲散落曉風錦成大女遜奇工添伊月裏霓裳艷剪

剩晴絲嬾太空

三曲仙機巖

一碧琉璃萬丈淵蒼巖千仞疊晴烟金雞啼啞初啼罷朝

散群真下九天

四曲金雞巖

孤亭相伴碧芙蓉月在長空風在松夜半仙翁吹鐵笛一

聲聲和有吟龍

五曲鐵笛亭

巖石經仙手劈開得教有路上丹臺請看幻跡深年月不

許無端長翠苔

六曲仙掌峯

當年有寺寄枯禪雷雨何來起暮天欲闢桃源奇面目摧

林陷石作平川

七曲石堂寺

崇巖縹緲結丹樓下瞰松濤翠欲流山靜天風傳暮鼓幾

人塵夢不回頭

八曲鼓樓巖

擢歌最盡九重灘一帶即烟迷碧山遙見酒帘湏沽飲微

醺便趁夕陽還

九曲星利市

武夷九曲擢歌

飭 餽夢圭體

何 瀚

依稀桃源問津處怪石咤我穿雲樹引人入勝第一溪身

世都隨竹筏去神仙
矢別鄉村寂寞空山
呌夜猿一自
賓雲歌唱罷幔亭誰徭
吳曾孫

二曲溪畔臨玉女侍兒
雁行雙延佇球琳爲骨瑛爲姿壁
立亭亭銷雲雨天花散
作翠鬢春洛浦湘江迥絕塵秋水
忽生遲暮感鏡中繪出意中人

三曲高峯射朝旭曉雲乍收豁
心目花開花謝人不知落
葉蕭蕭滿空谷仙家器物未沉銷
架插危巖耐寂寥好把
雙舟迎太姥再將飛板造虹橋

四曲舟過題詩壁詩緒思向仙機織
如何仙人懶和詩只
愛峯尖吹鐵笛響谷空巖人權聲
雞隨仙去未曾鳴策策

有客舒長嘯寂寂溪山萬籟生

五曲隱屏雲一片紫陽歸來成書院溪風岫月萬古存誰
道曲終人不見青燈輝映翠嵐間晚對亭迎秋水灣當日
長溜直秘閣幾幾閒却此名山

六曲危亭雲中起三三六六一覽裏世事半是大畧閒怎
得窮僻都躬履仙跡猶得指掌圖箇中消息有耶無遊人
弗及閒推究轉棹前山鴈鵠

七曲最高曰三仰俯視乃日與仙掌只因見山不見溪偏
側弗得稱山長仙居大孤類人間換骨應愁免俗艱機杵
釣竿無不備點金也有頭錢山

八曲峯不陡溪側芙蓉
如頭流轉急笋洲若有賣酒家能
然山中醉七日空谷傳
日鼓不鳴嵐光開爽一溪晴停篙
巖下閒聽雨溜落桃花
個裏教

九曲山溪趨西北靈峯
半爾雲霄立眼界忽闊平川開回
頭悠然渺無極逍遙蓬
島脫塵寰不覺秋波已出山直到
舟迴星渚渡方知身復落人間

武夷山志卷之四終

一

四

山

水

分

是

上

圖



鐵板亭

虎鼻石

兜鑿

紫雲洞

復姑洞

登山石

止止庵

水鏡

大觀音石

小觀音石


前山


一曲圖說

山溪與大溪滙流處曰前渡初入溪曰溪口灘舟由此進不數權稍折而北復下是爲一曲大王峯昂霄作鎮實足雄長全山不徒爲本曲之望而幔亭屹然竝峙以仙蹟特聞自問津亭沿溪而西里許達山麓爲冲佑觀武夷之都會也

志夷神同

龜原逮圖





冲佑觀圖說

觀之設也肇自南唐元宗 其弟李良佐辭榮入道勅有
司建之名會仙觀迨宋真 小賜額冲佑詔廣觀基增修屋
宇至三百餘間中爲三清殿前有漢祀亭拜章臺後爲賓
雲亭玉皇閣法堂東西兩廊廊外爲道院爲堂爲祠爲軒
爲庵爲倉詳載一曲卷上今皆傾圯惟觀右道房幾所而
已然前志原圖不可廢也謹重刊之他日復與猶見前規
云爾

武夷山志卷之五

武夷董天工典齋編集男勳校刊

溪北

問津亭宋名趨真亭明名入佳亭溪口北岸地名樟林此初入武夷之路也萬曆時邑令顧士琦重建歲久傾圯康熙戊戌崇令陸廷燦又重建今廢

按李卷山志古有是亭名武夷亭顧重新之易名入佳亭而問津亭在溪南到岸歲久圯廢徐表然誤以入佳爲問津後人遂相沿稱之

路徑遊武夷山者或自崇安而下或自建陽而上皆必由此若從邵武來則至王星村從九曲順流而東

詩

趨真亭

宋 朱 熹

危亭久已傾祇有頽瓦在何事往來人不知容髮改

又

李 綱

煙霞深處一亭閒石徑繁紆紫翠間但覺峯巒勞顧揖
不知身到武夷山

問津亭

國朝 陸廷燦

愛向溪頭數問津溪南溪北認難真頽基好就成新構
佳境重開一曲濱

神佑觀溪北大王峯左前臨溪岸初漢武帝設壇以乾魚
祀武夷君唐天寶中始創屋於洲渚曰 天寶殿僞閩王

審知增飾之稱 武夷觀南唐保大二年元宗李璟爲其
弟良佐辭築入道在觀修持冊封演道冲和先生勅有司
移建今址名 會仙觀宋眞宗咸平二年御書賜額冲佑
大中祥符二年詔宏廣觀基增修屋宇至三百餘間賜田
百斛自乾興迄熙寧末遣使降香投送金龍玉簡者凡二
十紹聖二年十月望有祥鶴集於庭越三日有旨降大建
宮殿改名 冲佑觀復其稅役先是京師旱迎仙蠓祈雨
有應故有是旨元符元年賜錢八十萬又賜建陽田十頃
自唐宋以來皆有賜田通計一萬一千餘畝紹定二年道
錄江師隆重加修建增廣殿宇堂厨廊廡一新元泰定五

年改觀爲宮稱 萬年宮明興仍稱觀改 冲立觀正統
四年正月火後又遭兵燹天順成化間雖屢有修葺未復
其初弘治末道會詹文皓募衆修理嘉靖四年冬又火明
年本觀提點詹本初創後所費浩繁閱兩歲始成冠冕弘
敬允稱名山巨構云

會仙觀銘

南唐張紹

太始未形混沌無際上下開運乾坤定位日月麗天山
川鎮地萬彙猶屯三才始備肇有神化初生蒸民上惟
立德下無疎親皇風蕩蕩黔首淳淳天下有道誰非聖
人開源嗜慾澆漓俗盛買者避世真人革命八極神鄉

十洲異境翠阜丹工潛伏靈聖惟彼武夷實曰洞天峯
巒黛染巖岫霞鮮金房玉室羽蓋雲軒堊日風雨會有
神仙國步多艱皇綱中絕四海九州瓜分幅裂稔禍販
隅阻兵旣越寂寞玄風荒涼絳闕赫赫列祖再造丕基
拱揖高讓神人樂推明明我后允協昌基功崇下武德
茂重熙唐哲英斷雄畧神智拓土開疆經天緯地五嶺
來旋三湘清泚四海震威群生懷惠猶勞宵旰猶混馬
車貪狼俟靜害馬方除淹留駿馭想像鶉居心懸眞洞
夢到華胥乃眷名山追惟聖跡內庫頒金元侯奉職三
境求規五靈取則跨谷彌岡張霄架極珠宮寶殿璇臺

玉堂鳳翔高薨龍轉迴廊錯落金碧玲瓏壁璫雲生林
礎雷繞藩牆七聖斯嚴三君如在八景靈輿九華神蓋
清霄莫匹明霜匪對彷彿壺中依稀物外衆眞之宇擬
之無倫會仙之額名之惟新高峯爲壑區谷成峒皇猷
頌聲永絕淄磷

冲佑觀銘

宋 吳 棫

太極玉皇帝曾孫所自祖神人武夷君祖星皇太姥羸
政之三年秋八月三五虹橋飛幔亭光景燭華楚曾孫
以序進一一拱帝所焚煌紅雲綈花水金皿貯曾孫敬
羅拜訊問安好否中亭握青綬樂具歷可數安陵元奇

葦引鼓若副鼓橫笛公希吹節板鳳兒拊坎侯連長桺
圓腹弦索古次姑悲築噪秀淡洞簫舉居巢小娥運鏡
銑妙容舞賓雲左右僊超絕不可譜酒行禮無謝雋美
進般脯歌師彭令昭歌作可哀語天上人間今會合難
以阻日薄西山兮鳴鳥理歸羽百年一飢兮素願長齟
齬歌闕雲四合賡別咸俯俸亟還無留趾徒御有螭虎
扶携僚層巔晏所無覩侶異事同亭祠祠事發誰矩肆
茲闡琳宮丹碧絢堯楚潭潭眞君殿詔墨耀黃楮巍然
冲佑榜字札逼虞褚璽封寶奩香泉綵給內府明旛制
錦針御餅屑春乳瀾表吉而燭簡福綿寢寓物靡遇疵

痛時若賜與雨元元端何力幸此聖澤普熙然鼓其腹
穴井以耕土巖扉舜衣裳粉米亦藻黼後天無窮期燕
翼繩祖武

記

重建冲佑萬年宮記

明 歐陽清

閩地多佳山水而武夷稱最爲昇真立化洞天丹峙碧
流奇詭難狀晦翁朱子倡道於五曲之濱今紫陽書院
蓋其藏修所也嘉靖乙巳冲庵歐陽子將叅政于蜀便
道歸省莆田友人卓子有見遣弟有守來訪致言曰僕
兄弟賞心武夷久矣今歲同業山中不惟得盡夫雲物
奇觀而於後先事蹟聞之亦詳山故有宮曰冲佑萬年

鬱落洲渚間南唐保大中李良佐移置大王峯之麓良
佐元宗李璟弟也擇地棲真卜築於此資田蠲租迥出
常例至宋紹定道士江師隆以退錢塘漲驗授金門羽
客復闢而大之嘉靖乙酉冬圓祿幾盡本宮提點詹本
初奮然以興自任捐資營造始玉皇閣十三仙殿繼而
三清殿而法堂而兩廊而山門甃垣飾堊輪奐宛新然
宮之許郵途出焉又以書院故登謁者嘗休憩焉舊設
常住田在建陽縣二十一頃前朝優復時遞相管轄以
充送迎近此典不存住持者咸稱貸支費及田產入猶
不足以償負息宮日益槩槩而貧貧而逋者多矣茲孟

冬遣交代期莫肯承其任者道士江玉窓連慶澤徐日
慶偕山南詹有貴等計僕兄弟爲本初勸本初遂揮金
與穀命徒孫王廷德張延安分理丙午歲不惟游憩者
得以止宿而朝夕祝釐之舉衆亦樂有所資矣本初世
居山之南隸宮中羽籍六十載道行無玷壽躋耄耋童
顏強健今衆德其功以配李江二氏願賜一言以爲本
初賁冲庵子曰君兄弟非輕於許可者本初旣構大廈
千楹併懷諸侶又能朗濟任持厥亦艱哉况書院之立
武夷賴以顯道流之居書院俾以護本初之功其可泯
乎君歸以是復於乃兄附主宮者勒于石以示後人庶

傳之不朽云

同

冲佑觀

朱熹

清晨叩高殿緩步繞虛廊齋心啟真秘香霽何飄颻出門戀仙境仰首雲峯蒼躊躇野水際頓覺塵慮忘

贈冲佑觀江羽人

翁合

武夷奇絕處水碧更山丹觀闢南唐趾祠仍西漢壇山禽酣午夢野菜健晨餐道士江冲一新詩有集刊

萬年宮望幔亭

元馬臯

勝遊初見武夷山萬壑千巖眼界寬蓬島海枯鰲極斷幔亭峯近鶴聲寒瓊樓金闕開唐址綠樹蒼雲擁漢壇

千丈雲梯如借逕夕陽應共鳥飛還

泛舟九曲還憇萬年宮有作

鄧生

扁舟十日行九曲雲山烟霞意俱足今晨回棹幔亭峯
復扣琳宮翫修竹琳宮僊人王子喬慣駭紫鳳騰青霄
手持天書下瑤闕寶篆玉宇同清飈劇譚天上語夜半
爐烟咫尺紅雲案闌干露濕星斗垂虹橋髣髴圓仙幔
青雲白鶴萬里心神仙豈必皆山林赤松雖無鐘鼎氣
黃石真可羽翼任我生蹉跎已四十鍊硯欲穿枯黑汁
波濤亦想龍化梭風雨何年雷起蟄洞天信有換骨丹
蓬萊海上三仙山明朝回首雙目寒安得白日生羽翰

謁萬年宮

陳顯會

重闕啟玄闕曲磴環蒙茸何年窈窕姝捧出金芙蓉初
陽炫光彩細溜鳴丁東虹橋跨遊漢委曲開霧宮初疑
公孫氏問道趨崆峒又疑安期生息駕玄圃中世紛偶
睽隔幻境隨朦朧仙踪豈難攀大化不可窮日月旋我
戶煙霞爲我客蘊真愜所願御氣如乘騄綿綿保真素
投佩從群公

宿冲佑觀

明曹學佺

歸舟半夜月寂寂萬年宮兩岸欲深合前山如不通寒
星印沙白林火雜花紅笑殺幔亭晏人間曲易終

又

李炳茂

薄暮到武夷風色若凝黛停車步廣亭老松月長在樓
臺俯碧崖烟嵐倏萬態徑深歷岑寂溪暝含靄翳同好
更躋攀笙鸞可相待

又

楊成名

假榻玄宮遠世氛山中佳氣晚氤氲疎簾乍映千峯月
高閣遙連九曲雲漢代祀荒壇尙在秦人仙去跡空聞
夜闌天籟蕭蕭度疑是峯頭鸞鶴群

又

陸景

踏破蒼茫一逕雲山中來謁武夷君丹爐已冷當時火

玉簡猶存徃代文
峯影亭亭皆直聳
溪流曲曲自平分
神仙只隔虹橋遠
笙鶴天風午夜聞

又

林世吉

忽逢鶚冠子
夜宿武夷宮
地隔人間世
時聞天上鐘
花深留鶴語
洞古倩雲封
願學餐金液
還期訪赤松

雨中登武夷宿冲佑觀因感舊遊

謝肇淛

前峯一夜雨
潺湲六六溪
頭碧幾灣
隨水有花來
洞口賓雲無
曲奏人間山
樵薙草驚猿
卧道士操舟
載鶴還日月
已更雲物異
題名盡沒翠
苔斑

雨憩冲佑觀次謝在杭韻

徐 勵

溪聲雨色兩潺湲暫住玄宮第一灣
新水漸平深磳曲舊題猶在敗廊間
難携蠟屐窮千嶂誰識金丹煉九還
花落花開春不管遊人容易鬢毛斑

再宿冲佑觀

自與靈山有夙因清溪九曲往來頻
聽殘松籟山中雨問遍桃花洞口津
石榻又眠前渡客銀冠難覓舊時人
朱顏漫逐紅塵老能幾浮生二十春

冲佑觀二首

徐燭

崔巍古殿魏王居瑤草琪花滿玉除
壇下餘腥猶漢代巖頭遺蛻是秦初
客從雲水求丹訣帝遣風雷護簡書

我亦曾孫今再世夢中親御紫鸞車

風燈零落夜鐘殘數卷玄經掩不看藥採刀圭遠玉液
火留文武煉金丹瑤池月滿鸞笙杳石榻雲深蝶夢寒
斷盡世緣須及早肯將白髮戴黃冠

謁武夷宮

劉侃

問訊丹霞老登臨紫氣重古壇餘漢祀仙境有秦封幔
影峯頭樹泉聲雲際鐘靈風儻可惜我欲駕蒼龍

次雲松訪復嬰宿萬年宮韻

藍智

問道神仙叩洞門清溪古木路斜分桃花滿地飛紅雨
橘樹層崖漲綠雲講罷先天烟篆冷夢圓殘月玉笙聞

高秋也欲扶衰老共候山中白馬君

冲佑觀題壁

張謙

洞簫吹徹紫霞宮九曲仙源竟莫窮十載支離滄海外
幾年魂夢白雲中壇空影落藤蘿月夜靜聲傳竹樹風
明發征車復前路何時幽谷謝塵蹤

遊事將終歸抵冲佑觀小酌

張于星

處處窮靈異良遊豈偶然歌聲人不識別夢客猶懸雨
後忽生月巖頭輕着煙携歸霞幾片總入采真篇

謁武夷宮

林祖恕

沈疴久羈躬及茲舍火宅出門坎壈多中路復墮落敬

問武夷山遠追二子迹齋心屏紛醫長跪受奇筌真詮
風所慕霧臺非異國世界竟三千因果應八百願依好
妙香證此塵凡格

宿武夷宮

林春澤

九曲迴輕棹雲眠寄羽庵溪聲入夜枕山月照空潭天
地奇如許蓬壺夢似酣幔亭久陳迹惆悵餐晨驂

題冲佑觀壁

徐渭

携玉女凌粧鏡故人今夜來却來何須獨卧梧桐影

遊仙

曲雲疎月皎江城秉燭來飄飄幔亭久寂寥等閒一訂

歲寒交

步虛辭

冲佑觀

畢懋康

芝蓋雲輶謁太微金漿瓊蕊駐光輝青牛道士封君達
白鶴仙人可令威海控三山標玉榜洞連九館啟丹扉
邇來頗悟長生訣欲向玄闕御七飛

遊武夷宮

國朝潘耒

路接仙源步步幽瓊宮肅穆枕丹丘陰濃萬樹深藏殿
翠掃諸峯半入樓蘚壁題名龍漢劫羽衣吹笛洞天秋
群仙小別經千載試下虹橋話舊遊

題冲佑觀

阿金

絳闕臨丹壑群峯鎖翠明有雲連上界無鶴接仙盟露

洗金鷄羽風搖鐵樹聲我來當十月登眺慰生平

宿武夷宮

吳瞻淇

武夷宮口萬松聲已見仙家物外情丹嶂盡將朱戶繞
白雲時向綠牕生鳥鳴春澗魚音靜月入幽房蝶夢清
一宿更堪塵世隔何須峯頂問吹笙

又

李永錫

萬木幽深處琳宮此地開幾年閩海客三度武夷來風
雨橋空斷魯孫老又催幔亭峯特立悵望一徘徊

過武夷宮

王梓

中天霽景敞郊垌濃蔭森森萬木青初入琳宮瞻碧落

還從道院問黃庭溪流宛轉清同見仙樂依稀韻可聽
三十六峯雲氣散不將文字乞山靈

時久雨初晴不煩
如昌黎默禱衡嶽

雨宿冲佑觀

停車渡碧溪瓊宇幔亭下乍晴樹色濃返照山容赭
鳴鼓吹急懸泉如奔馬衆綠莽紛披花飛知近夏道院
本清幽入門心瀟灑解帶就匡牀誰爲避世者欲續九
曲歌空疎慚風雅剪燭坐無聊遣興事杯竿驚颺颯颯
來驟雨震屋瓦簷溜不暫停終宵傾盆瀉邈矣十三仙
遺蹤直疑假物外理難齊杳杳付荒野

過武夷宮步王適庵韻

高蘭

洞天深處傍花坵，怕石針松百丈青。
放客停舟携綠綺，道人揮麈誦黃庭。
柳絲若帶周遭綰，鶯語如簧遠近聽。
玉宇瓊樓真閬苑，名山不在有仙靈。

題冲佑觀壁

龐塏

岸轉山門近樓臺，結構雄欲窮九曲水。
先到萬年宮，靈蹟得曾有風光迴。
不同題墻憐故友，嘆息意何窮。

宿冲佑觀

陸廷燦

朝發渾陽城，暮出武夷道。
野菊沿堤黃，葦花傍岬老。
千林顏正丹，遠岫睂如掃。
塵纓數日勞，溪山愈覺好。
投憩萬年宮，停車踏瑤草。
松濤活火煎，旗槍恣探討。
豈惟渴

吻滋盡滌諸煩惱置身在洞天何異歷蓬島彷彿朝群
真立言許傾倒飲我金玉漿煥我安期棗若再會曾孫
虹橋期架早一枕遊仙夢乍醒簿書又見歸途抱

武夷宮

徐形求

誰從大地布奇章雲樹參差接混茫玉牒金函昭古蹟
琪花瑤草噴幽香幾家鷄犬秦人宅半畝烟霞漢祀堂
對此溪山忘歲月閒聽仙子奏霓裳

宿冲佑觀有減

董天工

家住平川九曲終順流溯却萬年宮秦封月滿壇壝冷
漢祀雲深蝶夢空石榻高眠聽玉笛瑤臺長嘯度金風

當年朱戶今何在蔓草荒烟對碧穹

洞天門觀之頭門扁曰昇真立化洞天南向路折而左有坊東向榜以武夷山三大字宋游文清公九言書也
望仙橋在頭門內橋之北數十步爲二門扁曰勅賜冲
伯萬年宮

漢祀亭**拜章臺**俱在二門內明時每歲中秋日祭武夷君於此今俱廢

三清殿觀之正殿也香案前豎石碑刻明頒道藏勅神座左右兩巨櫃封貯全藏

重修三清殿疏

宋劉子翬

祭神如在敢忘恭肅之懷視漏弗愼曷稱清穆之奉茲焉
有作孰曰不宜惟武夷之名山有冲佑之閔宇自昔秦漢
而上顯著靈蹤由我祖宗而來益嚴祀典寔四境瞻依之
地罄群心歸懇之誠流澤所加無感不應今則歲時浸久
棟桷就淪有震風凌雨之淒其無遠座虛帷之肅若欲加
修繕顧乏羨餘過者皆爲憮然曾孫之寄何在矧衡茅自
庇尙懷必葺之安而仙聖所棲宜起勿傾之念願推樂施
以就勝緣捐廩推贏倘更新於琳館清心釋累會同宴於
幔亭

賓雲亭在三清殿後

詩

賓雲亭

陸廷燦

洞天原不遠宮闕幔亭邊白馬來秦代乾魚祀漢年迢
遙二千載縹緲十三仙肅拜瑤壇上疑聞奏管絃

方池在賓雲亭左清泉不涸不涸

今池水不清非舊蹟也

詩

方池

宋 熹

武夷之境多神仙我亦駐此臨風軒方池清夜墮碧玉
重簾白日垂洞門暗泉湧地紫波動微雨在藻金魚翻
倚檻照影清見底拄杖卓石尋無源洗頭玉女去不返
遺此丈人芙蓉盤溪船明月泛九曲出入紫翠聽潺湲
便欲此地覓真隱何必商山求綺園

御書閣在賓雲亭後藏歷代誥勅俗稱玉皇閣上供玉皇下祀十三仙康熙二十二年道士虞啟祚藍文秀募修閣及法堂并東西兩廊東廊垣外舊有方丈仕客駐焉規制如公署今廢

龍井一在觀門前左其內方一在觀門前右其內圓皆生成石泉烹茶色味俱美歲旱取以禱雨輒應

龍井

宋 白玉蟾

山腰石有千年潤海眼曾無一日乾天下蒼生望霖雨不知龍在此中蟠

法堂舊名朱隱堂白玉蟾曾說法於此故稱法堂堂右

祀李良佐爲開山祖後人以江師隆庵本初配享崇修
復功也今供立帝及彭祖父子三人

特正院賓雲院中和院存正院正善院清隱院皆在冲
佑觀內久廢今羽流雖重建棲止其地與名不可考矣
觀妙堂在冲佑觀壁間有李忠肅詩朱文公嘗宿於此
有李侍郎詩跋今廢

觀妙堂

宋 李彌遜

人間何地寄衰翁偶到神山一葦中可是仙居謝逋客
船頭無處避剛風 溪口回舟未忍移淨坊聽雨坐題
詩餘齡倘有尋道路試與披雲問鳳兒

跋

觀妙東樞李公侍郎遺墨語意清婉字畫端勁每至其
下輒飄玩不能去然歲久剝裂又適當施供帳處後十
數年當不復可讀矣別爲摹刻授道士使附置壁間庶
幾來者得以想見前輩風度李公諱彌遜時以力詆和
議出守臨漳云慶元乙卯正月甲寅朱熹書

國朝王復禮曰李公字似之福建連江人成進士累
官戶部侍郎以詆和議後落職家居十餘年卒贈敷
文閣待制諡忠肅著有奏議制議詩文等集王明府
梓謂其摹石今不復存且詩句編接不得殊可勝嘆
予因檢李公竹溪集乃錄二詩於此以補從來山志
之缺是雖端勁字畫不可復睹而清婉語意垂之無
窮亦千古一錫事也

李侍郎觀妙堂詩

國朝 董茂勲

玉藻經年慮損殘
摹神鑄石燦楹端
誰知風雨飄零盡
賴有遺編可檢刊

橘隱堂

堂扁三字
白玉蟾書

今堂額猶懸地址恐易

橘隱堂記

宋 白玉蟾

太微宮中奎星之精化而爲松矯矯鬱鬱然於嚴霜積
雪之間其間則有七松處士太微宮中星宿之精化而
爲柳垂垂裊裊然於淡雲疎雨之間其間則有五柳先
生古人所以隱於松者蓋欲示其孤高峭勁之節古人
所以隱於柳者蓋欲彰其溫柔謙遜之志吾未聞橘之

爲物果何如焉揚州厥抱橘柚錫貢江陵千株橘其人
與千戶侯等如是則橘可貴也風土記名橘曰胡柑巴
人有橘葦中藏三叟語如是則橘可奇也瀟湘有橘鄉
洞庭有橘里彭澤有橘市如是則橘可嘉也陸績懷橘
而遺母李靖食橘而思兄如是則橘可以存孝弟李德
裕作瑞橘賦張華作靈橘歌如是則橘可以入文章李
元有朱實似懸金之句沈休文有金衣非所炫之句劉
禹錫以甘喻萍實寒比柘漿詠之則橘果爲異物也言
其橘園則天崖散星宿也觀其橘實則木杪羅珠璣也
所以呂真人譬喻金丹色如朱橘吾今知橘如此也武

夷之山冲佑之觀靜廉之堂有道士曰陳洪範字天錫
號造齋者生平於琴書外多種橘吾意其所愛者非愛
橘也蓋喜呂真人譬喻金丹之意所以一堂風月滿林
煙雨朝吟暮酌逍遙自居畢竟內有所養外有所玩造
次顛沛常持一粒金丹則視七松五柳大不相侔其所
居名橘隱不爲謬矣天錫之丰神骨範如秋之未霜夜
之正月水之曉綠山之春青平居暇日惟杜松門空四
壁故可與溪山魚鳥爭清閑奪恬靜又可與松竹煙霞
鬪魂爽戰滋味也吾所以喜天錫之意如此一旦禱予
發明橘隱之意昔緱山仙子有詩曰修煉還丹苦不忍

見甘橘青城丈人有詩曰幾回誤吞橘便欲昇雲天此皆古人托意之妙天錫所以隱乎橘者蓋又得緱山青城二君子之意矣況乎夜欲闌風正清月皎皎猿一聲抱琴於橘林之濱豈無深深妙妙之意於此時吾侑子以一曲曰橘成林橘成林一畝白雲空翠深空翠深中有仙翁抱一琴人誰知此心以是可以見橘隱幾片滋味也

清虛堂在冲佑觀白海瓊嘗留宿今廢

清虛堂

宋白玉蟾

月移花影來窻外風引松聲到枕邊長劍舞餘烹茗試

新詩吟罷抱琴眠酒醅初撥青螺髓香篆常燒紫馬鞭
九曲溪頭冲佑觀清虛堂裡有神仙

又

朱熹二首

陰靄除已盡山深夜還冷獨卧清虛堂石眠思耿耿

其二

閒來生道心妄遣慕真境稽首仰高靈塵緣亦當屏

存心堂靜廉堂靜隱堂真隱堂深靜堂皆在冲佑觀今

廢

觀復堂在法堂左隆慶間邑侯朱璉建續以公追復觀
田改名復田祠以祀公又名朱公祠今廢

記

觀復堂記

明耿定向

侍御謹吾朱公令崇安時作堂於武夷山中題曰觀復
庚辰暮春予偕鄭張二大夫來遊憇焉大夫曰觀復之
義昉猶龍氏五千言中所謂萬物並作吾以觀其復者
歟曰吾夫子亦嘗言之矣易曰復其見天地之心乎示
人以觀復也天地何心人者天地之心觀于復而自得
其所以爲心矣孰非我者而必於復焉觀之復者動靜
之交觀於交而自得其所以爲復夫靜動者安靜靜者
罔至靜而神至動而真體用渾淪有無不測時乃不靜
在天地萬古此心蓋無一息不復而人則或有不復者

豈人二天地哉無亦未觀之易物有瞋目而不見五山人有瞋目而不見日月止山無損形日月無損明也聊試一默觀之則形色生化犁然森然穆然湛然有而有之不可以謂有無而無之不可以謂無有而無之無而有之不可以謂有無之間既彫既琢而未彫未琢者自若萬感萬應而隨感隨應者朕兆目不改睫境不改轍待德沉幾造化權奇復在我矣天地之心在我矣雖然觀亦有辨也玩易觀我儔矣童觀子子於觀爲小闕觀竊竊於觀爲醜惟觀我生則至矣蓋觀我生則天地之心斯得天地之心得而措之政治廓如矣故曰觀我生

觀民也昔謹吾舉斯心以覆育茲邑邑之人士有遺思焉斯足徵矣吾儕共事茲土均有司民之責者登斯堂也毋亦惕然思所觀耶竝大夫曰侍御朱公名堂之意遠矣雖不敏敢不勗諸因書爲記

朱邑侯復武夷宮田始末記

明張鳳翼

武夷宮自漢唐以來歷代皆有賜田通計一萬一千餘畝羽流之衣食於是乎出公上之租賦於是乎共宮觀之修葺遊人之供億於是乎資以故武夷名山甲天下而武夷宮之巨麗亦甲於天下卽先年閩中倭亂諸寺觀田皆以給軍需而武夷得以獨存也嗣是而羽流之

無賴者輒私典於豪民田去糧存始貧而俱逃矣虛糧
波及里甲甚至毀觀屋以充之而遊人亦艱於供億蕭
然爲山靈羞議者咸欲復其田而未有其術也隆慶辛
未邑侯朱公來蒞茲邑初下車則羽流以告公佯爲不
知謬曰汝道士也敢犯大姓乎收其狀杖而遣之無何
里甲又告公亦收其狀杖而遣之諸豪皆喜以爲此田
必不復矣居數月公乃悉召狀中所告豪民四十餘人
諸豪心知之皆惶悚而來毋一敢後公溫語諭之曰國
法典當田土花利過本者業還舊主今汝曹典武夷宮
田二十餘年獲利多矣田不當還耶汝收實利人納虛

糧汝心安耶汝之心直不欲因告而退無以全聲勢立門戶耳今我於告者皆不准理爲汝曹存體也可悉合諸券盡返其田無奪田之辱而有尙義之名不亦善乎不率則吾有三尺在豪皆俛服不三日計復田糧二百餘石卽建陽二三大姓亦移文追還事載郡志中然此僅十之一耳公自此以後所復者固甚多也由是羽流之貧者以瞻逃者以歸而立風聲矣田以出租租以出賦而里甲甦矣宮觀之毀者復新諸儒之祠堂竝建而勝概增矣舍館之繕修供帳之備具而賓至如歸矣是舉也不特爲山靈生色而有宋諸儒講道之區賴以不

朽其嘉惠我崇邑者不既深乎重修武夷志成門下士
張鳳翼爲述其始末以貽後世之受其賜者公諱璉字
文卿號謹吾辛未進士江西新淦人

歲寒軒在冲佑觀朱子嘗同吳公濟諸友自精舍來集

兪邀諸羽客同飲于此今廢

時公濟有詩贈守元章師文公次其韻

詩

次吳公濟韻

宋朱熹

蓬萊清淺今幾年武夷突兀還蒼然但欣丹籍有期運
不悟翠壁無負緣鼎中龍虎應浪語紙上爻象非真傳
明朝猿叫三峽路一葉徑上滄浪船

竹間軒在冲佑觀今廢

〔大雲寺〕冲佑觀東南南唐保大十三年僧福祥建後卽其址建鄒司成祠今廢

〔金山寺〕冲佑觀西禪巖之麓後卽其址建王文成公祠今廢

金山寺

明李默

晴川高閣控幽奇遊客扁舟向晚移
萬里雲烟開夕照十年蹤跡繫離思
山花似解迎人笑紗壁猶懸訪舊詩
最是幔亭秋色好月明笙鶴夜歸時

〔王文成公祠〕向在大王峯下卽金山寺廢址也嘉靖三十七年建寧司馬董公燧白之郡守劉公佃詳請監司

所建并置田五十石以供祀事傾廢已久康熙四十八
年後裔王復禮白之督學楊公篤生及延建邵道陳公
廷統捐俸爲倡命崇安令王公梓重建焉以舊址荒僻
乃移建於冲佑觀前復禮結廬於巖後因流寓既遠不
能時歸掃墓又白之督學楊公奉批王文成公勲隆前
代澤遍南天崇祀報功專祠闕地猶存數處卹堂乃其
後裔奉聘來此著書武夷一曲重修雅志表彰先德遺
祠肯構家廟同觀應以其祖父附食兩旁可也

是祠之基舊有三教祠祀隆萬間莆田林兆恩以艮
背之法療病稱爲龍江先生今祠地無存以祀前哲
宜矣

重建王文成公祠記

國朝王梓

自古寇亂之作天必生一奇偉特達之士平定而安輯之上以利社稷下以福蒼黎事雖出於一時功實敷于奕世固未嘗斬人之威而感之者千百載如一日億萬人同心此天理民彝之不容已也崇安武夷山之一曲舊有王文成公祠嘉靖戊午本郡董司馬白之劉使君創建遊山仰止者咸謂公初斥權閹誦龍塲間道過此後人表其經歷或又曰公嘗次壁間韻有肩輿飛度萬峯雲回首滄波月下聞之作故因詩祀之而不知皆非也此崇德報功之舉耳公提督南贛汀漳嘗勦漳寇

破長富村等巢三十餘所水竹大重坑等巢一十三所
選丁壯立兵符通商賈足軍需不調狼達不加賦歛居
民安堵而數十年逋寇悉平又奏設縣治移廵司以爲
久長計至於今地稱易治此功德在汀漳者今兩郡皆
有特祠是矣後又奉勅勘處福建叛軍雖中道平宸濠
還然爲閩上遊經畫者甚悉其與王晉溪司馬書云閩
中之變皆由積漸所致始於延平繼於邵武又發於建
寧及沿海諸衛所論者以爲寇盜要領公誠得之後人
奉其指授卒以成功然則八閩之中被澤者五其于本
郡功德何似而可勿祠以祀之乎舊祠地廢六十餘年

矣梓承乏茲土愁焉心傷每過其地輒思重構戊子夏
公六世裔艸堂名復禮者以制撫兩臺聘請至閩白之
督學觀察欲復是祠而巡憲澤州陳公又以闡揚先哲
爲已任捐俸首倡梓因得敬承趨事數年積願一旦獲
伸寧非快歟顧舊基在觀西溪口復絕荒涼不堪經久
今更擇望仙橋右建之山空鳥怨忽而輦飛蹟晦煙消
倏然雲構是舉也竊有五善焉崇德報功勿忘遺爰一
也地以人傳名山增重二也劉公創於前梓等踵其後
天運一周而復三也梓復以餘力選公文集刊之四也
武夷爲文公講學地歷五百餘年闕其無人祠成而艸

堂不忍棄去結茅隱此以繼往躅五也工既竣謹詳次其事而記之

詩 建文成公祠

明劉佃

洙泗源流道脉長先賢繼起振頽荒鍾奇東浙才猷壯
樹績西江德業芳遺像堂堂臨碧水新祠奕奕向青陽
經營幸賴諸君力舞拜先陳一瓣香

又

董燧

武夷東下一溪長溪上何人更闢荒故地荆榛刊奕葉
新溪桃李蔭春芳別開精舍昭遺訓重啟斯文仰太陽
山斗聲名千古在泮芹壇杏轉生香

重建祠成兼呈草堂先生

國朝王梓

名山夙藉大儒傳回首滄桑幾變遷
祠宇久傾風雨後勛庸長共日星懸
永嘗再見隆禋祀理學由來啟衆賢
小吏尊崇成盛事淵源曲水永涓涓

同厚庵長兄謁王文成公祠并訪草堂先生

李光煥

仲淹七世德著龜兆子明新建固天挺
高曾亦名鄉折璫干龍鬣擒濠雁虎睛
良知乃自悟突入鄒魯城冰洲東廓
輦兀然抱一經緒山最明覺再傳拓廟
訪東林樹崖岸振手覆杯羹詎識性分
內講學非近名眷彼前修

者道高衆口轟虬蟬爭撼樹各据一先生武夷兩精舍
晦翁與陽明且以道相勗勿徒恣譏評我昔被師命鰲
峯賦嚶鳴與君遶邂逅伐木喜丁丁聯句探道妙紵帶
異班荆投我書數篋旨趣若風清今日丹峯下棟宇盡
縱橫高堂資斲削輔嗣比弟兄聞孫如吾子乃不墜家
聲肯構復肯獲庭樹種瓊瑛心事追繁露芳躅類耜耕
生逢 聖人世道與葛天并一日安車至道旁那不驚
〔嚴公祠〕冲佑觀西廊垣外順治八年建祀邑侯殷應寅
今廢

〔羅修撰祠〕冲佑觀左明萬曆時建祀羅文毅公倫今廢

羅贊善祠 冲佑觀右明萬曆時建祀羅文恭公洪先今廢

王中丞祠 冲佑觀左明萬曆間閩督學王世懋建祀其父思質公忬今廢

謝

過王中丞祠

明謝肇淛

遺廟魂何在行人淚未乾血應春草碧心共遠山丹斷壁龍蛇走空碑蝌蚪殘西風吹大樹猶帶陣雲寒

鄒司成祠 冲佑觀左即大雲寺故址明萬曆間閩臬司鄒善建祀其父文莊公守益今廢

宗學使祠 冲佑觀右采隱堂側明萬曆時建祀宗方城

公臣今廢

徐臬司祠 冲佑觀右宗學使祠前明萬曆時建祀徐天目公中行今廢

三公祠 冲佑觀右明天啟間建祀學使宗公臣臬司徐公行學使葛公寅亮今廢

四賢祠 冲佑觀右萬曆間建祀趙清獻公抃胡文定公安國劉文靖公子翬朱文公熹置田以供祀事又名一曲書院今廢

詩 由止止庵訪四賢祠廢趾

國朝 王 梓

溪流出津口重疊障峯巒古蹟名止止曾隱玉蟾仙門

徑繞花木入室心豁然塵囂爲之遠野興生林泉夙昔
避世人結廬在山巔層閣流雲散密樹衆鳥喧停憇啜
苦茗清味逼人寒羽客侶木石偈側澹忘言徐步陟峻
嶺當午日未偏高低堆瓦礫欹斜有敗垣胡劉與紫陽
希聖復希賢緬惟清獻公爲政尙簡寬大儒同循吏姓
字日星懸專祀勵末俗萬古高風傳歲久多風雨傾圯
荒草間吾道重綱維尊隆期不愆往者耻因循坐使古
祠煙日予榮簿領公餘得自閒行將荆棘闢再見丹雘
鮮崇功舉廢墜敢云知所先

羣賢祠

冲佑觀右崇安王明府梓新創以祀宋元明諸

賢二十九人不久傾圯王嶸重建今廢

記

創建群賢祠記

王梓

從來地以人重武夷秀甲東南碧溪九曲在昔不過棲
真之所耳自宋元明諸賢臨蒞茲土講明理學與夫留
連賦咏而山之名益彰後人因其流風餘韻往往各建
祠以祀誠盛事也歷年久遠風雨飄搖所存者惟文公
文成二祠而已餘則化爲榛莽不惟勝事湮沒且使後
學無從觀感不幾爲名山之缺陷耶予牧崇有年每過
其地景仰先型爲之詠嘆輒思重構而表章之顧政事
殷繁先其急者於是將邑內諸賢祠次第興修其武夷

建祠之意也夫

常清菴

萬春菴

俱冲佑觀後今廢

舉子倉冲佑觀內宋時貧民生子或不舉淳熙間趙公汝愚官闕創是倉以給之凡四等以下之家遇受娠五月以上則書於籍及娩人給米一石二斗崇安有倉三此其一也以廢

社倉冲佑觀內宋乾道四年崇安大饑朱文公請郡粟賑之冬成民願償官公乞留各里立社倉崇安凡十有七所此其一也以廢

會道觀

冲佑觀東宋政和五年賜額會道又名會道廟

非也古今所以遞傳而不朽者道也先覺後覺其道同
揆立德立言奉祀則一況諸賢之遺愛流芳皆於名山
可並傳者聚群賢於一堂明禋祀於千載道在則然也
奚以先後出處爲嫌哉昔南雄四賢祠宋真文忠爲記
洛陽十賢祠元吳文正爲記南康二賢祠明王忠文爲
記古人有行之者又豈無稽而勿詢者乎獨愧予才謏
陋不能如三公之作闡揚群賢於萬一然群賢之勛庸
事業道德文章輝山媚壑傳當時而垂後世者固亦無
藉予言也聊述願慕私淑素心以及不忍湮沒名山舊
蹟是予今日崇祀群賢之意也夫其亦當時諸公各曲

裴洞清里人裴貴甫楊伯留募貲撤舊鼎新正殿及門
廊三十間視舊爲壯麗於是洞清等議曰不記其事無
以示將來乃具其始末介羽士程芳遠來山中求予文
鐫諸石竊按祀典凡名山大川之神有功德于民者咸
祀之而武夷君錫宴鄉人皆登上壽民受其惠厚矣考
之山中歷代故事猶存而國朝亦以八月望日命官致
祭豈僭竊妄誕者之比哉今鄉人一新其廟貌將見大
闢靈妙錫於遐邇豈止一方而已安得不爲書之以傳
永久歟是爲記

詩

會真廟

元劉說道

祀魏真君及從神潘遇初鄉人以幔亭之宴得與仙真同會建祠于此曰同亭

記
重建會真觀記

明張渠

武夷山居閩上游崖壑聳峭溪流迴折其峯之最巨者曰幔亭絕頂寬曠世傳學仙者居之武夷君當秦政時置酒於此以宴鄉人既罷去鄉人乃即山麓立祠以祀之扁曰同亭取同宴幔亭之義歲時備牲醴祭畢而宴不忘其初也凡水旱疾疫悉致禱告無不響應宋政和五年以事實聞得賜廟額爲會真紹興十八年又勅封爲冲妙真人自是鄉人崇奉益篤歲久廟宇傾圯道士

各祠力有未贍弗克盡爲創復辛卯季秋度其基址建於武夷萬年宮右合九曲諸賢如朱之趙清獻胡文定劉文靖朱文公蔡文正劉文簡明王文成羅文毅羅文恭湛文簡鄒文莊唐襄文李見羅董見龍王思質宗方城徐天目葛岷瞻諸公皆有祠久廢者朱李忠定楊文靖趙忠定李文靖黃文肅游文清真文忠熊勿軒元陳石堂杜清碧明黃石齋諸公舊無祠而山中有事蹟當增祀者其爲一祠名曰群賢庶廢者已興絕者得續而後之考德論世者亦有所效法興起矣而或則疑之謂群賢世代不侔隱顯各異今乃同堂共祀得不倫否曰

度溪造霧境臺殿隱山曲虛堂留白雲今夕得同宿扁舟計已具清曉泛春綠

會真觀

元薩天錫

艤舟山水間借宿會真觀月掛水晶簾風吹紫霞幔鷄犬過雲中笙樂度天半傳語武夷君酒熟幸相喚

仙宮廟會真觀左今廢

仙君廟又名**仙真廟**會真觀右南唐保大間建今廢

文昌閣會仙樓在會真廟後祀文昌君於上層其下

層曰會仙明萬曆十七年邑令林一煥迎仙人徐熙春遺蛻禱雨獲應遂建此樓祀之今廢蛻在張仙巖

詩

會仙樓

羽士楚和叔

批雲朱閣幔亭西客揖真靈爲品題玉洞仙非秦使者
琅函蛻是漢封泥簷前未返千年鶴檻外空流九曲溪
翹首漫馳天際想春風萬壑鴈鳴啼

同亭湖會真觀左幔亭峯下不甚寬廣自爲沮洳不與
溪通然歷年以遠滄桑之變未可知耳

唐刻石

湖畔舊有石崖上刻字

詳見一曲巖刻

宮前渡

此渡設於沖佑觀宮前故名溪之南北往來者

所必需也

武夷山志卷之五終